

倒非即煩惱非離煩惱非自然生非由他生

大王諸法如虛空無動轉故諸法無比等離

伴侶故諸法無二相無差別故諸法無有邊

不可見故諸法無有量非大小故諸法無窮

盡常所轉故諸法廣大徧法界故諸法無所

住非內外中間故諸法無分別離妄想故諸

法是常無遷變故諸法是樂無苦惱故諸法

有主宰離妄執故諸法是清淨非垢染故諸

法寂靜常湛然故諸法無所得離我相故諸

法無可樂解脫相故諸法無此彼離我取故

諸法無破壞離種種相故諸法一味同解脫

性故諸法一相離諸異想故諸法皆空離諸

見故諸法無相相清淨故諸法無願離三世

故諸法非三世所攝過去現在未來不可得

故生死涅槃本平等諸法皆平等大王諸法

既如是煩惱疑惑可得生不生言不也諸法

皆空煩惱疑惑其何有也妙吉祥菩薩言煩

惱無生法亦無說煩惱性空諸法平等生死

涅槃本平等煩惱菩提亦平等 十末

佛說未曾有正法經卷第四

祿四

行宣院新委授訓釋大藏經板前松江府僧錄廣福大師管主入護藏或  
塔中綽鈔氣伯鑄刊雕大藏經卷所集功德專用規定  
金上皇帝聖壽萬萬歲

聖后齊年太子諸王福基永固

帝師法王慧燈長明文武官僚高增祿位上報

佛說法輪常轉僧俗父母過現咸安樂免親同圓滿智次莫管主八

生生願見於佛世世應經流通心華發明義天胡耀者

大元國慶癸卯年大德十年二月初一日意願

佛說未曾有正法經卷第五

祿五

西天譯經三藏朝奉大夫試鴻臚卿傳教大師臣法天奉 詔譯

復次大王希有之法甚深難解即一切法寂滅之相非取非捨非聚非散從因緣生無有主宰以緣生故非自非他諸法無自性自性空故即無所得由無所得故一切法寂靜寂

靜相者是真實相大王當起正信心應如是

修學如是觀察如是學者離一切相非有所學非無所學無得無失如是了知是正解脫解脫相者即諸法也諸法性空是真實義即無所著無所限礙是名最上希有之法復次大王當知眼根非染非淨何以故眼根

自性本真實故耳鼻舌身意根亦非染非淨而彼自性本真實故大王色非染非淨受想行識亦非染非淨何以故蘊之自性本真實故乃至一切法亦復如是非染非淨自性真實故大王當知心無形相非眼所觀心無所住內外中間俱不可得何以故心之自性非染非淨無所增減無所動轉是故大王當如實觀勿生疑惑住真實法此心真實故諸法亦如是大王譬如虛空離諸色相亦無動轉若有人言我以彼煙雲塵霧染於虛空斯爲信不王言不也虛空無相非所染故菩薩自心亦如是本來清淨不受諸垢乃至一切

法自性無染亦復如是

復次大王一切法與法界非即非離本性平等無有差別若了是者即於諸法無所罣礙亦無增減妙吉祥菩薩說是法時摩伽陀王悟法性空生大歡喜即時獲得無生法忍發希有心合掌恭敬白妙吉祥菩薩言菩薩大

慈善巧方便如所說法甚爲希有微妙深遠昔所未聞我於今日斷諸疑惑心得開曉妙吉祥菩薩曰大王莫作是言疑惑得除作是言者未斷諸相有相於心是大疑惑大王當知諸法寂滅無說無示無聞無得豈有疑惑而可除耶王言菩薩若如是者貪瞋癡等一

切煩惱應不礙心耶菩薩曰大王我先所說虛空本淨非所染故其義如是大王心本清淨煩惱性空二俱無得何所礙耶是故不應以罪垢相而生於心大王當知過去心不得未來心不可得現在心不可得乃至一切法亦復如是於三世中無來無去無住無著

釋五

無所入無所歸離諸妄想非知見所及離知見法者佛所說也是故智者應如是觀如是解了是時大王白妙吉祥菩薩言如菩薩所說我今解了心之自性諸法自性本來清淨非障所染亦非有相可得是故我今於菩薩前得不壞信菩薩言大王若如是者是即解

## 脫離諸過失

尔時摩伽陀王聞妙吉祥菩薩宣說妙法心大歡喜即從座起持上妙細疋價直百千詣妙吉祥菩薩所而奉上之欲以其疋被菩薩身是時菩薩於剎那間隱身不現但聞空中聲曰大王有所見相非我所受如我受者不見自身不見他身無能施無所施乃至一切法亦復如是無所見相離取著心大王其所施疋若有能見身者當可施之時有菩薩名曰智幢其王即時復持其疋而以奉施彼菩薩曰大王有所見相非我所受如我受者不得異生及異生法不住有學及有學法不證

無學及無學法不趣緣覺及緣覺法亦不求諸佛如來解脫涅槃而爲果證如是於一切法無所著相能施所施二種清淨無利無得如是施者而可受之是時大王欲以其疋被菩薩身菩薩即時隱身不現但聞空中聲曰若有能見身者當可施之是時復有菩薩名

標五

三

善寂解脫其王即時持疋奉施彼菩薩曰大王有所見相非我所受如我受者不起我見及我所見非即煩惱非離煩惱非住定心非起散亂非智非愚離諸取捨如是施者而可受之是時大王欲以其疋被菩薩身菩薩即時隱身不現但聞空中聲曰若有能見身者當可施之復有菩薩名最勝作意其王即時持疋奉施彼菩薩曰大王有所見相非我所受如我受者不起諸相不行身業不發語業不起意業不著蘊處界法了一切法皆不可得非智所知非言所及無所依止堪若虛空如是施者而可受之是時大王欲以其疋被

菩薩身菩薩即時隱身不現但聞聲曰若有能見身者當可施之復有菩薩名曰上意其王即時持毘奉施彼菩薩曰大王有所見相非我所受如我受非我所受如我受者不起取相希求之心若言發於阿耨多羅三藐三菩提心者是爲取相有所希求何以故離有相心即菩薩摩訶

薩心此心平等故菩提心亦平等此菩提心即一切如來心由是平等故諸法皆平等無二無差別無取亦無捨離取捨故我相不生我相滅已無所希求如是施者而可受之是時大王欲以其毘被菩薩身菩薩即時隱身不現但聞聲曰若有能見身者當可施之復有菩薩名三昧開華其王即時持毘奉施彼菩薩曰大王有所見相非我所受者不起取相希求之心若言發於阿耨多羅三藐三菩提心者是爲取相有所希求何以故離有相心即菩薩摩訶

薩心此心平等故菩提心亦平等此菩提心即一切如來心由是平等故諸法皆平等無二無差別無取亦無捨離取捨故我相不生我相滅已無所希求如是施者而可受之是時大王欲以其毘被菩薩身菩薩即時隱身不現但聞聲曰若有能見身者當可施之復有菩薩名三輪清淨其王即時持毘奉施彼菩薩曰大王有所見相非我所受如我受者無彼能施無此能受受者無所得施者無果報我尚非有我所受之王即持毘欲被其身時彼菩薩隱身不現但聞聲曰若有能見身者當可施之復有菩薩名曰法化其王即時持毘奉施彼菩薩曰大王有所見相非我所受如我受者不以聲聞緣覺涅槃而爲果證亦不以大般涅槃而爲果證不離輪迴法不求涅槃法何以故生死涅槃二俱平等如

四  
五

是施者當可受之王即持毬欲被其身時彼菩薩隱身不現但聞聲曰若有能見身者當可施之是時大王以所施毬奉如是等諸大菩薩各各隱身皆不納受

余時大王即持其毬詣於尊者大迦葉所作如是言尊者迦葉於聲聞中耆年有德佛所

稱讚頭陀第一願受我此上妙細毬滿我施心迦葉答曰大王有所見相非我所受如我受者不斷貪瞋癡無所染著乃至無明有愛而悉不斷亦不與俱無見苦斷集證滅修道不見佛不聞法不入衆數非盡智無生智可得可證無施者無受者無大果無小果無輪迴可狀無涅槃可證諸法清淨離一切相如

是施者而可受之王即持毬欲被其身迦葉亦復隱身不現但聞聲曰若有能見身者當可施之如是大王於五百大聲聞所持毬奉施亦各不受隱身不現余時大王即作是念今此菩薩聲聞皆不受

釋五

我所施之毬我今持往後宮施其夫人及諸眷屬彼應當受作是念已持毬入宮而欲施之是時大王不見夫人復思施彼宮嬪眷屬亦復不見如是漸次觀察所有宮城殿宇皆悉不現同彼虛空是時大王復作是念今此上妙細毬無復所施作是念已欲持此毬自被於身其王即時亦自不見其身但聞空中聲曰若有能見身者當可施之大王當自觀身色相今何所在如自觀身不見其相觀他亦然自他之相俱不可得若如是見者即見真實法真實法者離一切見以離諸見故即住平等法是時大王聞空中聲已離有相心斷疑惑想如從睡覺而得醒寤即時宮城殿宇后妃眷屬見其色相還復如故即詣菩薩大眾之所悉得瞻覩菩薩之相如本無異是時大王前白妙吉祥菩薩言菩薩大眾適當何往我所不見妙吉祥言大王勿生疑惑今此大眾本相無來其何所往大王於今見此

衆不王曰雖然已見菩薩曰何所見耶答言如見真實法觀此衆亦然又問曰即此真實亦云何見答曰真實法者離一切相非眼所觀不在內不在外不在中間名相二法不可得故

尔時妙吉祥菩薩復謂王曰大王當知破先

造惡我聞佛記於當來世墮惡道中王白菩薩言不也大士如佛世尊未曾有說墮惡道者證涅槃者何以故於真法中無二差別善薩復言不也大王如佛所說善惡因果報應昭然作是說者其義云何大王答曰菩薩大士如我意者諸佛如來隨順方便巧說生死

卷五

六

不壞不著無所畏懼我今得離諸執永不復生有相之見譬如得忍菩薩不復生於三毒之想是時智幢菩薩謂其王曰大王於智幢道已得清淨離諸塵染得忍具足王白菩薩言諸法甚清淨廣大無有量煩惱不能染涅槃不可得唯佛世尊自所證知

但梨今諸衆生死苦趣涅槃樂如實說者生死涅槃二俱平等何以故諸法皆空無所有自性彼諸法性即法界性法界性中無二差別由是義故諸法無所生無所往無樂欲無厭捨我今起正信心不生怖畏妙吉祥善薩言善哉大王善說此語離諸有相王言善

標五

菩薩我性自空誰爲說者法本無相當何所離如佛所說真實法中我相本無離情非情諸行無作亦無受者菩薩告言大王汝於真實法中雖復解了猶生執著王復白言云何離著菩薩曰不壞惡趣相是爲無所著王言菩薩如是如是如我意者惡趣之相無所動轉

祥菩薩及諸大衆

尔時妙吉祥菩薩哀愍城中一切人民爲利樂故以足指按地即時大地皆作吠琉璃色清淨光潔內外映徹是時城中若男若女一切人民皆悉得見妙吉祥菩薩及諸大衆無所障礙譬如清淨圓鏡照其面像一切人民

瞻菩薩相亦復如是時妙吉祥菩薩各各爲其如應說法時城中八萬四千人得法眼淨五百人發阿耨多羅三藐三菩提心

尔時妙吉祥菩薩受摩伽陀王飯食供養及爲廣說法已王之宮屬乃至一切人民皆獲利樂發希有心生大歡喜妙吉祥菩薩即從

雖甚怖畏無能教者唯佛世尊有大方便而能教度我等今宜共詣佛所化人言已便即前行其人見已亦復隨從詣於佛所時彼化人到佛會已頭面禮足前白佛言世尊我造殺業佛墮地獄願佛慈悲救度於我

尔時世尊即讚是言善哉善哉善男子今於

佛前發誠實語如其所作稱實而言如汝所說造殺業者汝從何心而起罪相爲過去耶未來耶現在耶若起過去心者過去已滅心不可得若起未來心者未來未至心不可得若起現在心者現在不住心亦不可得三世俱不可得故即無起作無起作於其罪相

何所見耶善男子心無所住不在內外中間  
心無色相非青黃赤白心無造作無作者故  
心非幻化本真實故心無邊際非限量故心  
無取捨非善惡故心無動轉非生滅故心等  
虛空無障礙故心非染淨離一切數故善男  
子諸有智者應如是觀作是觀者即於一切

法中求心不可得何以故心之自性即諸法  
性諸法性空即真實性由是義故汝今不應  
妄生怖畏是時化人聞佛宣說真實之法心  
大歡喜即白佛言希有世尊善說法界自性  
清淨我今得悟罪業性空不生怖畏我今樂  
欲於佛法中出家修道持於梵行唯願世尊  
攝受於我佛言善哉善男子今正是時爲汝  
攝受是時化人於剎那間鬚髮自落袈裟被  
身成苾芻相即白佛言世尊我今入般涅槃  
願佛聽許佛言隨意時化苾芻承佛威神力  
故即踊身虛空高七多羅樹化火自焚滅盡  
舞餘同彼虛空

余時實造業者見是化人出家及聞佛說法  
已心生思念此人與我同造罪業彼先解脫  
我今亦宜求佛化度作是念已即時頭面禮  
世尊足而白佛言世尊我造殺業怖於當來  
墮天地獄願佛慈悲而垂救度佛言善哉善  
男子今於佛前發誠實語汝所造業於何起

九

心罪業之相其復云何是時此人以善根成  
熟故聞佛言已身諸毛孔出大火焰旋繞其  
身即作是言我今歸佛願垂救度

尔時世尊舒金色右手於其頂上此人即時  
身火得滅離其苦惱得大快樂起淨信心向  
佛合掌而白佛言希有世尊我先聞佛廣說

清淨法界離相之法我今得悟罪業性空而  
不復生怖畏之想我今亦於佛法中樂欲出  
家修持梵行願佛攝受佛言善哉今正是時  
爲汝攝受即時此人鬚髮自落袈裟被身成  
苾芻相如百臘者諸根調適威儀庠序所願  
圓滿

余時世尊爲其宣說四諦之法彼聞法已即時遠塵離垢得法眼淨而復審觀諦理即於會中證阿羅漢果而白佛言世尊我今欲入涅槃願佛聽許佛言隨意是時苾芻踊身虛空高七多羅樹化火焚身滅盡無餘即時會中有百千天人發希有心各伸敬禮

### 佛說未曾有正法經卷第五

祿五

### 佛說未曾有正法經卷第六

祿六

西天譯經大藏本義鴻臚傳教大師臣法華詔譯

余時尊者舍利子見造殺業人歸佛出家得證聖果如是希有事已前白佛言希有世尊如來大慈善巧方便宣說正法所有造殺業者非根深重如來於剎那聞善爲救度令得解脫斯乃諸佛如來方便之力其所說法皆是諸佛境界唯妙吉祥大士及諸菩薩被精進鎧者而善了知非是我等聲聞緣覺境界何以故諸聲聞人智慧狹劣尚不能分別衆

生機宜豈能解了方便之法佛言如是如是舍利子諸佛境界唯諸菩薩得忍法具足者而能趣入汝聲聞人雖離補特伽羅之見唯樂趣求自利涅槃雖復修習頭陀功德亦唯樂求戒定慧具足不樂修學諸佛之法諸所施作有相有礙是故於佛境界莫能思議舍

祿五

十

利子汝今當知適所化度造殺業者此人已曾於五百佛所恭敬供養種諸善根亦曾得以宿善根力得見諸法真實之理如法解脫復次舍利子若人於此正法得聞一四句偈者是人不墮惡趣離苦解脫必定成佛一切智何況受持讀誦如法修行是人所獲功德無量無邊

余時妙吉祥菩薩與諸菩薩摩訶薩衆及迦葉等諸大聲聞摩伽陀國王并其官屬同時還詣鳩峯山中釋迦牟尼佛會到佛會已各禮佛足退住一面